



CANTON SARAJEVO
Professional Office for Common affairs

Broj: 17-11-44384-7/20
Sarajevo; 08-01-2021 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za nabavku robe u postupku javne nabavke za "Nabavku i isporuku proizvoda za održavanje higijene, čišćenje i poliranje" (Zapisnik o pregledu i ocjeni ponuda broj: 17-11-44384-6/20 od 06.01.2021. godine), načelnik Stručne službe za zajedničke poslove Kantona Sarajevo, d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku roba u postupku javne nabavke za "Nabavku i isporuku proizvoda za održavanje higijene, čišćenje i poliranje" i dodjeljuje se ponuđaču **"DEFTER" d.o.o. Sarajevo**, prema dostavljenoj ponudi broj: 812/2020 od 30.11.2020. godine u ukupnoj vrijednosti od **101.622,00 KM** (bez PDV-a), odnosno **118.897,74 KM** (sa PDV-om).

Član 2.

Prijedlog okvirnog sporazuma dostavit će se na potpis izabranom ponuđaču u skladu sa članom 72. stav (1) ZJN. Izabrani ponuđač je dužan dostaviti originalne dokaze ili ovjerene kopije **po članu 45. ZJN** kao i **po članu 47. ZJN** u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke. U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od okvirnog sporazuma.

Član 3.

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

Obrazloženje



Postupak javne nabavke pokrenut je Odlukom o pokretanju postupka javne nabavke broj: 17-11-44384/20 od 09.11.2020. godine – "Nabavka i isporuka proizvoda za održavanje higijene, čišćenje i poliranje". Javna nabavka je provedena putem postupka: Otvoreni postupak. Procijenjena vrijednost javne nabavke bez PDV-a iznosi 119.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-1-1-88-3-46/20 od 09.11.2020. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 30.11.2020. godine do 13,45 h konstatovala da su u uredno zatvorenim kovertama dostavljene ponude od ponuđača:

1.	"EUROSAN" d.o.o. Mostar, ul. Bišće polje bb, 88000 Mostar
2.	"DEFTER" d.o.o. Sarajevo, ul. Gatačka 20, 71000 Sarajevo

U skladu sa Odlukom o pokretanju postupka, Komisija za nabavku robe formirana Odlukom broj: 17-11-43096 od 02.11.2020. godine provela je proceduru nabavke, obavila javno otvaranje ponude, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-11-44384-6/20 od 06.01.2021. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "DEFTER" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača "EUROSAN" d.o.o. Mostar, ne ispunjava uslove propisane od strane ugovornog organa iz slijedećih razloga:

- Ponuđač "EUROSAN" d.o.o. Mostar je dostavio ponudu koja nije u skladu sa zahtjevanim uslovima iz tenderske dokumentacije. Naime, u tenderskoj dokumentaciji u pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača je zahtjevano (str. 35): "Jedinica mjere kojom se mjeri rok isporuke je „dan“, a minimalan rok isporuke koji će se vrednovati je „1 dan“ odnosno, svi ponuđači koji u svojim ponudama ponude kraći rok isporuke (odmah, ad-hoc, odmah po dobijanju zahtjeva, u roku od 8 sati i dr.), bit će vrednovani kao da su ponudili rok isporuke od „1 dan“. Naglašavamo da rok isporuke ne može biti duži od 10 dana". Imajući u vidu da je tenderskom dokumentacijom zahtjevano da rok isporuke ne može biti duži od 10 dana, a da je ponuđač "EUROSAN" d.o.o. Mostar u svojoj ponudi broj: 27/11-1 od 27.11.2020. godine (str.11 Obrazac za cijenu ponude – robe, Prilog 2.) iskazao rok isporuke od 1095 dana, ponuda ponuđača "EUROSAN" d.o.o. Mostar se odbacuje kao neprihvatljiva u skladu sa članom 68. stav (4) tačka i) Zakona o javnim nabavkama.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Nabavka i isporuka proizvoda za održavanje higijene, čišćenje i poliranje" kako slijedi:



U skladu sa kriterijem "ekonomski najpovoljnija ponuda" sa potkriterijima: cijena 80%, rok isporuke 15% i način plaćanja 5%, **ugovor se dodjeljuje ponuđaču "DEFTER" d.o.o. Sarajevo** u ukupnoj vrijednosti nabavke od **101.622,00 KM (bez PDV-a)**, a cijena sa PDV-om iznosi **118.897,74 KM**, rok isporuke **1 (jedan) dan** i način plaćanja **60 (šezdeset) dana**.

Pouka o pravnom lijeku:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od deset (10) dana od dana prijema ove Odluke, na način propisan članom 99. Zakona i 105. Zakona.



Pripremio: Almir Mešić, dipl.iur.
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-11-44384-6/20 od 06.01.2021. godine

Dostaviti:

1. Svim učesnicima u postupku,
2. Arhivi.

